

O a pepa taua e tatau ona ou umia e fa'amaonia ai a'u meatotino ua fa'aleagaina?

Ua matua taua tele lou tu'ufa'atasia o mea nei: (1) ata (ata tifaga ata pu'e fa'alapopo'a) na pu'eina ma faia i taimi muamua ma taimi mulimuliane a'o le'i mamulu ma fa'aleagaina meatotino; (2) se lisi o meatotino uma ua fa'aleagaina fa'apea o latou tau i tupe ma o latou fa'atusatusaga i tau o oloa ma ma'ataua; (3) fa'amaumau ma maumaututu mo tupe fa'aalu i le taimi nei mo meatotino ua to'esea; (4) tala fa'atusatusa tau lipea mai se vaega faigaluega tu tolu, atoa ma ni lisiti o le tau o galuega lipea ua mae'a ona faia.

O le a se mea e ao ona ou faia pe afai ua leiloa pe ua fa'aleagaina la'u inisua?

Vala'au lau kamupani inisua, E tatau ona iai i le kamupani se kopi o lau inisua ma ua tatau i le kamupnai on tu'uina atu ia te oe se kopi mai totonu o a latou faila. Afai ua galo ia te oe le igoa o lau kamupani inisua, po'o le igoa o le sa fesoasoani ia te oe mai totonu o le kamupani inisua, ua tatau loa ona e fesili i se tasi mai le kamupani mokesi po'o le faletupe sa fa'atau mai ai le mokesi o lou fale. O le tele fo'i o nisi tagata e inisua a latou ta'avale ma o latou fale i le kamupani inisua lava e tasi, ma e tatau fo'i ona e fesili atu i le kamupani o lo'o inisua ai lau ta'avale.

O le a se mea e ao ona ou faia pe afai ua tatau ona toe fa'afou la'u inisua ia Setema 29, 2009?

E mafai ona tu'uina atu e lau kamupani inisua se taimi fa'aopopo mo le totogiina o tupe e fa'afou ai lau inisua. O se fa'aletonu i le totogiina o tupe mo le fa'afouina o lau inisua o le a le avea lea ose lape i puipuiga tau inisua e aunoa mase fa'atonuga mai le ofisa o lau kamupani inisua. O le tele o inisua e iai taimi e tu'uina atu mo fa'amagaloga puipuia a'o fa'atali le fa'aumaina ona totogi o tupe mo lea piliota fa'ainisua. E tatau ona e malamalama lelei i aiaiga o lau inisua pe afai ua tuai ona totogi le tau po'o le pili o lau inisua. Afai o lea ua tatau la ona e fesiligia lau kamupani inisua mo nisi avanoa fesoasoani.



Ua te'ena e la'u kamupnai inisua le puipuiga mo a'u. O le a se mea e ao ona ou faia?

O kamupani inisua e tatau ona latou fa'ailoa atu lisiti mo tupe totogi, pepa fa'atumu ma tusi talosaga mo a latou fa'ai'uga faia fa'apea le totogiina atu o tupe mo le soloia o tagi fa'asaga i kamupani inisua. E tatau i le kamupani inisua ona latou fa'ailoa atu lo latou umia o lau tusi talosaga i totonu o le 15 aso e amata mai i le aso na tu'uina atu ai lau talosaga, fa'apea le faia o sa latou fa'ai'uga a'o le'i atoa le 40 aso talu ona fa'amauiina lau talosaga.

Te'ena: O lenei faitauga ua na o se faitauga mo ni fa'amalamalama. O lenei fo'i faituga e le'i faia pe ua tu'uina atu aloa'ia o ni fautuaga pe o ni manatu ua aloa'ia fa'aletulafono. O nei fo'i manatu ma fautuaga ua le o ni manatu pe o ni fautuaga aloa'ia a le Asosi a Loia I Amerika Samoa (ASBA) po'o sui loa o lea lava asosi. E iai se talitonuga o nei fautuaga ua le o matua atoatoa lelei ma tonu lo latou fa'auigaina i le taimi nei. Matou te le mafai ona ta'utino atu ma le maumaututu ua matua moni ma fa'amauiina tau le tulafono mea uma o lo'o ta'ua i totonu o lenei faitauga ae maise lava le tele o isi mea fou ua tutupu ma aliali mai ina ua mae'a le lomiga o leni faitauga. O lenei faitauga ua na ose lomiga fa'alaua'itele ae ua le taea pe aofia ai le tonu ma le fa'amaoni o le anoanoa'i o fetu'una'iga fa'aletulafono. O loa o le Asosi a Loia I Amerika Samoa (ASBA) ua mafai ona latou tu'uina atu ni au'aunaga mani fesoasoani tau le tulafono ina ua matua mae'ae'a lelei ona latou sa'lli'ili ma su'esu'e i aiatatau uma ua fitoitonu mo le puipuiga tau tagata lautele o lo'o mana'omia fesoasoani ma galuega fa'aloia tau le puipuiga i lalo o le tulanofo. Ua fautuaina le mamalu o le aufaitau o lenei faitauga ae maise lava i latou o lo'o mana'omia ni fesoasoani e pei ona fa'amalamalamaina i totonu o leni tusitusiga ina ia fa'afeso'otai vave a latou loa ta'ito'atasi mo lo latou puipuiga tau le tulafono. Ua matua leai leai lava se vaega o leni faitauga ua tusia mo ni puipuiga o se tasi mai le malosi o le tulafono e 'a'afia ai fa'asalaga tau tulafono mo lafoga ma fa'asalaga ua faia ona o le nofo aitalafu o se tasi i le totogia o lafoga a le malo. Ua na o ni tusitusiga aloa'ia o ni manatu po'o ni lagona fa'asino i tulafono tau lafoga pe afai ua 'a'afia ai se tasi o le a fa'aonomafai ona toe talosagaina i lalo o le tulafono. O lenei faitauga e lei tusia e avea ose so'otaga i le va o loa ma e o lo'o i lalo o latou puipuiga i totonu o potu fa'amasino, ae maise lava loa o le Asosi A Loia I Amerika Samoa (ASBA). O se so'otaga fa'aloia ma le e totogiina se loa, e aofia ai loa o le Asosi A Loia I Amerika Samoa (ASBA) ua matua lemafai lemafai lava ona faia ma fa'amauiina e ala i lou faitauina o leni tusitusiga.



**Galuega Fa'aletulafono mo
Fa'alavelave Fa'afuase'i
Lema'alofia.
(Disaster Legal Services)
(684) 258-9830
VAEGA TAU INISUA
(Insurance Issues)**

O inisua e fa'aonomafai ona fesoasoani i le puipuia o a'u meatotino mai mafui'e ma galulolo.

O inisua e pei o inisua mo fale, inisua mo e nonofo mautotogi i fale, inisua mo ta'avale, fa'apea inisua mo afi ma mu ua mafai ona maua mai ai nisi o ni fesoasoani ma puipuiga.

O nisi o inisua fa'apitoa mo fale, inisua mo e mautotogi i fale, ua mafai ona puipui ma fesoasoani i taimi o fa'alavelave e pei o afi ma mu, asu o afi, matagi malolosi, gaoiga, solo tete'e, fale talepe, fa'apea tafega o vai, ae o nisi o taimi ua le aofia ai meatotino ua fa'aleagaina i galulolo ma mafui'e.

O inisua ta'atele mo ta'avale ua mafai on puipuia ai fa'alavelave fa'afuase'i e tutupu i ta'avale e pei o ta'avale fetau, ta'avale mu, gaoiga i ta'avale, fa'aleagaina o ta'avale ma ta'avale ua lepetia i matagi malolosi, ae o nisi o taimi ua le aofia ai meatotino ua fa'aleagaina i galulolo ma mafui'e.

O inisua mo afi ma mu e puipui i meatotino ua fa'aleagaina ma mu i afi, ma o nisi o taimi ua aofia ai le puipuiga mo galulolo ma mafui'e.

Ua matua tatau ona e fa'afeso'otai vave le ofisa o lau kamupani inisua mo le fa'atutumuina o pepa pe a tupu se fa'alavelave. Afai o iai nisi tulaga tau fa'afitauli e ono a'afia ai au meatotino ua matua tatau lava ona e fa'afeso'otai atu le ofisa o lau kamupani inisua i se taimi vave lava a'o le'i faia nisi suiga fa'aopopo.

O le a le ituaiga leiloa/mamulu tau meatotino e mafai ona puipuia i lalo o la'u inisua?

Inisua O Fale: Meatotino ua fa'aleagaina e pei; falenofo (ma nisi o fale o lo'o i totonu o lou fanua) le laufanua (e iai ona tapula'a) fa'apea nisi tupe fa'aopopo mo le tausia o lou soifua (e aofia ai mea'ai ma le totogi o se fale e te to'a iai) ma o nei mea uma ua tutupu ona ua leiloa ma mamulu atu au meatotino o lo'o puipuia i totonu o lau inisua.

Inisua mo e nonofo mautotogi i fale: O le leiloa po'o le mamulu atu o meatotino, po'o le lemafai ona toe fa'aogaina o meatotino e fa'aono 'a'afia ai se vaega o lou soifua maloloina ae maise le tau o foma'i ma maota gasegase.

Inisua lautele mo ta'avale: Manu'anu'aga i le tino o le ta'avale o lo'o puipuia i le inisua (totogi mo galuega lipea po'o le tau ua fetau lelei mo le fa'atauina atu o le ta'avale).

Inisua mo afi ma mu: Meatotino fa'aleagaina o lo'o tusia i le lisi (falenofo ma nisi fale o lo'o i totonu o le fanua po'o le 'ele'ele totino) ma nisi o meatotino fa'asino tonu ia te 'oe. O nisi inisua ua fa'atagaina lo latou tapenaina o le fanua ma la'u'ese le otaota ma lapisi mo le toe fa'amatagofieina o le laufanua fa'apea nisi fa'aleleiga tau le soifua mo le o lo'o ia umia le inisua.

O le tele o inisua ua latou le fa'atagaina ni inisua tau le puipuiga mai mafui'e, galulolo, lologa, limumea, ma isi vaega e pei o le gatete ma ta'aviliga a le lalolagi. O mea uma ua te'ena i totonu o lau inisua o le a tusia ma fa'amalamalam uma mai ia te oe i pepa tusia o lau inisua. Ia siaki uma mea ia ua ta'ua i luga ma vala'au lau kamupani inisua mo ni fa'amalamalamaga mo mea uma tau puipuiga o lo'o totonu o lau inisua.

O a inisua e mafai ona puipui i fa'aletonu tutupu ua afaina ai le alualu i luma o pisinisi laititi ina ua fa'aleagaina e se mafui'e po'o se galulolo?

O le inisua ua ta'ua i lalo ua mafai ona fesoasoani i le puipuiina o lau pisinisi ititi: (1) fa'afitauli uma tau pisinisi;(2) inisua fa'apitoa mo meatotino ua fa'aleagaina i mafui'e ma galulolo; (3) inisua mo le au faipisinisi; (4) inisua fa'akomepiuta; (5) mafua'aga o le leiloa/mamulu fa'apisinisi (6) inisua o fale ma inisua mo e nonofo mautotogi i fale;(7) inisua mo pepa ma tusifa'amaumau taua (8) inisua mo fale ma isi meatotino taua.

Inisua puipui mo meatotino leiloa tau pisinisi laiti (fa'aauau)

Meatotino ua fa'aleagaina e pei o ta'avaleafi ma va'aafi ua fa'aono-mafai ona puipuia i totonu o lau inisua e pei o mea nei; inisua mo afi uila, inisua mo masini faigaluega, inisua mo falefaigaluega ma galuega i le sami. Afai e manu'a se tasi o au tagata faigluaga, p'o oe fo'i ae masalomia o lo'o inisua uma outou i lalo o lau inisua ua ta'ua o le tupe fa'asao foa'i tau galuega (fa'amolemole, silasila i le Workers' Compensation Issues Pamphlet), e tatau fo'i ona outou taga'i i pepa o a outou inisua o falema'i fa'apea a outou inisua mo vaitaimi pupu'u ma vaitaimi u'umi fa'atautu i le lemafai e le tino ona gaoioi pe toe faigaluega.

Fa'amata e puipuia e le inisua fuafuaga uma ua ou faia mo le suia o le tulaga o lo'u fale mo le saogalemu o lo'u aiga mai galulolo?

Ua matua tatau ona e taga'i lelei i pepa o lau inisua pe fa'amata e mafai ona puipuia oe mai lea tulaga, ae maise lava le tulaga tau lipea po'o le la'u'eseina o meatotino. O lo'o iai nei ni fa'ai'uga fa'afa'amasinoga ua taofia ai le fa'atagaina po'o le tu'uina atu o ni fesoasoani mo meatotino ma galuega e pei ona ta'ua i luga ona o le gagana puipui o lo'o fa'aogaina e le fa'amasinoga. E mafai e se loia po'o se isi fo'i tagata ua iai se agava'a fa'apitoa tau inisua ona fesoasoani ia te oe mo le fa'amalamalamaina ia te oe uiga o le gagana tusitusi o lo'o fa'aogaina i lau inisua.

Mo se fa'aopopoga i mea ia ua ta'ua i luga, ua matua tatau ona e fa'atauina se inisua mo mafui'e ma galulolo pe afai e le o ia te oe lea ituaiga o inisua ona o le tele o inisua o falenofo ma inisua mo tataga mautotogi i fale ua le mafai ona latou taliaina ni talosaga mo meatotino ua fa'aleagaina i mafui'e ma galulolo.

E fa'apefea ona ou faia se talosaga tau inisua ma meatotino ua fa'aleagaina?

O lau talosaga tau inisua mo meatotino ua fa'aleagaina e tatau ona faia ma tu'uina atu i lau kamupani inisua. O le fa'asologa la lenei o mea e tatau ona e mulimuli ai:

Ia mua'i fa'afeso'ota'i lau kamupani inisua, po'o le sui o lau kamupani inisua o lo'o lua galuluae i lau inisua: ina ia amata fa'avavevave le fa'atumuina o pepa mo le una'ina o lau talosaga mo meatotino ua fa'aleagaina. Fesiligia pe o a uma mea o lo'o puipuia ma fa'asaina i lalo o lau inisua, pe fia se tupe fa'asao to'ese mo

'oe, o le a le umi o le taimi e te fa'atalitali ai mo se fa'ai'uga mo lau talosaga, fa'amata e vave ona maua mai se tali mo matematega tau tupe fuafua tau lipea mo meatotino ua fa'aleagaina. A'o fa'asolo pea ia taulumaga, ua matua tatau ma onomea ia te oe ona tusitusi uma i se api talanoaga ma feso'ota'iga sa faia i lou tou va ma lau kamupani inisua ma o latou sui, mea e pei o aso, le mea na fai ai le talanoaga, igoa o tagata sa outou talanoa fa'apea le autu o mata'upu sa tou talanoaina.

(1) Puipuia au meatotino mai fa'alavelave tau le fa'aleagaina: Lei se puipuiga tau inisua mo mea nei; le ta'atitia o meatotino i fafo i le la, le 'ea, le timu, le le ufiuia o meatotino i ni tapoleni po'o ni pepa pa'u, fa'apea le le tu'ilaupapaina o faitoto'a ma fa'amalama ma'ava ta'eta'ei ma avanoa. O nisi taimi e toe totogi atu e lau kamupani inisua tupe sa e fa'aaluina mo le fa'asaina o meatotino e pei ona ta'ua i luga, o le mea lea ua matua tatau ai ia te oe ona teu lelei ma fa'asao pepa ma lisiti uma o fa'atauga sa fai.

(2) Pu'e ata ma fai ata tifiga e fa'ailoa ai meatotino ua fa'aleagaina a'o le'i faia nisi suiga.

(3) Fesili i se sui o lau kamupani inisua a'o le'i faia galuega tau lipea mo meatotino ua fa'aleagaina. A'o le'i faia ni galuega tau lipea mo au meatotino, ua matua tatau ia te oe ona e fesili atu i nisi o i latou nei; se sui o lau kamupani inisua, lau kamupani inisua, po'o se tasi ua iai agava'a fa'apitoa tau inisua ina ia fa'atagaina le faia o galuega tau lipea mo au meatotino. Afai ua e filifilia le faia o galuega lipea i au meatotino, ia e matua fa'aeteete ma ia e malamalama lelei i le taua o puipuiga maumaututu mo oe mai le to'atele o le au fa'atosina ma le au telepepelo.

O le tele o kamupani inisua ua latou faia telefoni fa'aaoga fua e le totogia mo talanoaga fa'apea le fa'atutumuina o tusi talosaga i taimi o fa'alavelave fa'afuase'i lema'alofia. O ia numera ma telefoni ua mafai ona fa'aogaina mo ni fa'atalanoaga ma ni fesili a i latou ua afaina ma manunu'a i mafui'e ma galulolo.

Pe ua tatau ea ona ou totogia le tau o la'u loia ma le totogi o se ua agava'a fa'apitoa i inisua?

E te le mana'omia se loia po'o se tasi ua agava'a fa'apitoa i inisua mo le failaina o lau talosaga. O le galuega lea ua fitoitonu ma galuega fai a lau kamupani inisua.